

## ИЧКИ ИШЛАР ОРГАНЛАРИ ХОДИМЛАРИ УЧУН ИЖТИМОЙИ ХИМОЯ ШАРТЛАРИНИНГ ТАҲЛИЛИЙ АСОСЛАРИ

Садиков Шокиржон Саламжонович

Ўзбекистон Республикаси Ички ишлар вазирлиги ходими

**Аннотация.** Ўзбекистон Республикаси ички ишлар органлари ходимлари учун ижтимоий ҳимоя шартларининг айрим жиҳаталарига бағишиланган. Ходимларниң ижтимоий ҳимоясини ташкил этишнинг қонуниний асослари ёртилиган. Шунингдек, мақолада амалий қонунчиликдаги айрим муаммоларга эътибор қаратилган.

**Калит сўзлар:** ички ишлар органлари, ижтимоий, ҳимоя, ёрдам, таъминлаш, қоплаш.

Хозирги вақтда ички ишлар органлари ходимлари учун бир қанча ижтимоий ҳимоя шартлари ҳаётга жорий этилган. Шу жумладан, Ўзбекистон Республикаси Президентининг 2017 йил 29 ноябрдаги “Ички ишлар органлари кадрлари билан ишлаш ва уларнинг хизматини ташкил этиш тартибини тубдан такомиллаштириш чора-тадбирлари тўғрисида”ги ПҚ-3413-сон Қарори билан қўйидаги имтиёзлар жорий этилди;

Ходимларни ижтимоий ҳимоя қилиш қўйидагилар орқали таъминланади:

- соғлиғини сақлаш;
- меҳнатига ҳақ тўлаш;
- уй-жой майдони билан таъминлаш;
- мол-мулкига етказилган заарнинг ўрнини қоплаш;
- хизмат мажбуриятларини бажариш чоғида транспорт воситаларидан имтиёзли фойдаланиш;
- давлат пенсия таъминоти;
- давлат суғуртаси;
- ижтимоий ёрдам кўрсатиш;
- қонун хужжатларида назарда тутилган бошқа чора-тадбирлар.

Шунингдек, ходимлар белгиланган намунадаги бепул кийим-кечак билан таъминланадилар.

Ходимлар, ички ишлар органларинг пенсионерлари ҳамда уларнинг оила аъзолари, Ўзбекистон Республикаси Ички ишлар вазирлиги таълим муассасалари курсант (тингловчи)лари амбулатор, стационар ва тиббий-санитария шароитида бепул тиббий хизмат олиш мақсадида Ўзбекистон Республикаси Ички ишлар вазирлиги тиббий-даволаш муассасаларига

бириктирилади, уларда қонун ҳужжатларда белгиланган тартибда даволанади ва соғломлаштиришдан ўтказилади.

Ходимлар ва ички ишлар органларинг пенсионерлари санаторий-курорт шароитида даволаниш учун йилида бир марта имтиёзли йўлланмалар билан таъминланади.

Ходимлар Ўзбекистон Республикаси ички ишлар вазирлиги томонидан белгиланган тартибда йилда бир марта мажбурий чуқурлаштирилган профилактик тиббий кўриқдан ўтадилар. Ўқотар қурол билан хизмат олиб борадиган ходимлар профилактик тиббий кўриқдан ҳар олти ойда ўтказилади.

Ходимларнинг фарзандлари яшаётган жойдаги мактабгача таълим ташкилотларига, шунингдек Ўзбекистон Республикаси Ички ишлар вазирлиги тизимидағи ёзги соғломлаштириш оромгоҳларига навбатсиз ва имтиёзли равишда жойлаштирилади.

Ўзбекистон Республикаси Вазирлар Маҳкамаси, Қорақалпоғистон Республикаси Жўқорғи Кенеси, маҳаллий давлат ҳокимияти органлари ходимларга, шунингдек ички ишлар органларидан бўшатилган фуқароларга ҳамда уларнинг оила аъзоларига ушбу Низомда назарда тутилмаган бошқа имтиёз, кафолат ва компенсациялар ҳам белгилаши мумкин.

Ушбу қарорга асосан Ўзбекистон Республикаси Ички ишлар вазирлигининг 2022 йил 1 мартдаги 55-сон тегишли буйруғи имзоланди. Эндиликда ушбу норматив-ҳужжатга асосан, ходимларни ижтимоий ҳимоя қилиш фаолиятида бюрократик тўсиқларни янада қисқартириш мақсадида қўйидаги амалиёт жорий этилган:

— ходимлар ва уларнинг оила аъзоларига ижтимоий ҳимоя қилиш борасидаги хизматлар «Ягона дарча» тамоилии асосида ижтимоий ҳимоя қилиш масалалари бўйича марказий ҳамда ҳудудий комиссиялар томонидан кўрсатилади;

— Соҳавий кадрлар билан таъминлаш хизматлари ҳамда унинг ҳудудий бўлинмалари ижтимоий ҳимоя қилиш фаолиятига умумий раҳбарликни амалга оширади ва унинг ягона тизим асосида мувофиқлаштирилишини таъминлайди;

— ижтимоий ҳимоя қилиш борасидаги мурожаатлар анъанавий тарзда ҳамда Вазирликнинг “E-iжтимоий-ҳимоуя.iiv.uz” ягона интерактив хизматлар портали орқали электрон тарзда қабул қилинади ва ошкора электрон навбат юритилади;

— ижтимоий ҳимоя қилиш фаолиятини бошқача тарзда амалга оширишга, шу жумладан бу борадаги мурожаатларни кўриб чиқишида сансалорлик ва бюрократик тўсиқларга йўл қўйилмайди.

**ТАДҚИҚОТ ВА НАТИЖАЛАР.** Ички ишлар органларида хизмат қилаётган хар бир ходимни, у қайси соҳавий хизматда фаолият кўрсатишидан қатъий назар, осойишталик посбони дейиш мумкин.

Таъкидлаш жоизки, ҳам шарафли, ҳам масъулиятли соҳада фаолият кўрсатаётган ходимнинг иши ҳар доим ҳам бир текисда кечавермайди.

Ички ишлар ходимлари зиммасига юклатилган вазифаларни ҳар қандай обҳаво шароитида ҳам бажариши, белгиланган тартибда кучайтирилган ёки казарма ҳолатида хизмат олиб бориши, вужудга келган таҳдид ва тажовузларни бартараф этиш чора-тадбирларини ваколат доирасида амалга ошириши талаб қилинади. Хизмат вақтида ўз соғлиги ва ҳаётига хавф бўлсада, жиноят содир этган ёки содир этаётган шахсни ушлаши, заарсизлантириши, олов қаърига кириб, жабрланувчиларни қутқариши керак бўлади. Ички ишлар органлари ходими хизмат фаолиятини олиб бориш билан боғлик ҳолда касбий касалликка чалиниши, зиммасига юклатилган вазифаларни бажариш чоғида тан жароҳати олиши, ҳатто ҳалок бўлиши ҳам мумкин.

Соғлиқни сақлаш. Ички ишлар органларининг ходимлари, ички ишлар органларининг пенсионерлари ҳамда уларнинг оила аъзолари, Ўзбекистон Республикаси Ички ишлар вазирлиги таълим муассасалари курсант (tinglovchi)лари амбулатор, стационар ва тиббий-санитария шароитида бепул тиббий хизмат олиш мақсадида Ўзбекистон Республикаси Ички ишлар вазирлиги тиббий-даволаш муассасаларига бириктирилади, уларда қонун ҳужжатларда белгиланган тартибда даволанади ва соғломлаштиришдан ўтказилади.

Ички ишлар органларининг ходимлари, ҳарбий хизматчилари, пенсионерлари санаторий-курорт шароитида даволаниш учун йилига бир марта имтиёзли йўлланмалар билан таъминланади.

Ходимларнинг фарзандлари яшаётган жойдаги мактабгача таълим муассасаларига, шунингдек Ўзбекистон Республикаси Ички ишлар вазирлиги тизимидағи мактабгача таълим муассасаларига ва ёзги соғломлаштириш оромгоҳларига навбатсиз ва имтиёзли равишда жойлаштирилади.

Шунингдек, Ички ишлар органлари ходимларига турар жойларни ижарага олганлик (ижарада турганлик) учун Ўзбекистон Республикаси Президенти томонидан белгиланган тартибда ва миқдорларда пуллик компенсация тўланади. Ички ишлар органлари ходимларига Ўзбекистон Республикаси Вазирлар Маҳкамаси томонидан белгиланадиган тартибда узоқ муддатли, имтиёзли ипотека кредитларидан фойдаланган ҳолда квартиralар олиш ва якка тартибда уйлар қуриш учун ер участкалари олиш хуқуки берилади.

Ўзбекистон Республикаси Президентининг 2017 йил 29 июндаги “Ички ишлар органлари ходимларининг турар жой шароитларини яхшилашга доир

қўшимча чора-тадбирлар тўғрисида”ги ПҚ-444-сон Қарорига асосан ички ишлар органларининг алоҳида ўрнак кўрсатган, юксак профессионализм даражасини намоён қилаётган, хукуқбузарликларга қарши курашга салмоқли хисса қўшаётган ва Ўзбекистон Республикаси ички ишлар вазири томонидан белгиланадиган ходимлари учун қишлоқ жойларда янгиланган намунавий лойиҳалар бўйича арzon уй-жойлар қуриш дастури ва шаҳарларда арzon қўп хонадонли уйлар қуриш ва реконструкция қилиш дастури, шунингдек турар жойлар барпо этишнинг бошқа дастурлари доирасида арzon қўп хонадонли уйлардан хонадонлар сотиб олиш учун тижорат банкларининг узоқ муддатли имтиёзли ипотека кредитлари навбатдан ташқари тартибда берилади.

Таъкидлаш жоизки, ушбу арzon қўп хонадонли уйлардан хонадон сотиб олиш учун ходимларнинг дастлабки бадалларни белгиланган микдорларда тўлаши учун уларга Ўзбекистон Республикаси Ички ишлар вазирлигининг бюджетдан ташқари маблағлари ҳисобига қайтариш асосида беш йил муддатга фоизсиз узоқ муддатли қарзлар берилиши белгиланган.

Шунингдек, Ўзбекистон Республикаси Президентининг 2017 йил 20 апрелдаги “Ички ишлар органлари таянч пунктларининг профилактика инспекторларини хизмат уй-жойи билан таъминлашга доир қўшимча чора-тадбирлар тўғрисида”ги ПҚ-2906-сон Қарорига асосан, профилактика инспекторларининг мавқеийини ошириш ва хизматни самарали ўташини таъминлаш мақсадида ички ишлар органлари таянч пунктларининг профилактика инспекторларини коммунал-маиший шароитларга эга бўлган, замонавий талаблар ва стандартларга жавоб берадиган қулай хизмат уй-жойи билан таъминланади. Ушбу уй-жойлар профилактика инспектори бевосита хизмат кўрсатадиган ҳудудда (маҳаллада) бўлиши белгиланган.

Мол-мулкига етказилган заарнинг ўрнини қоплаш. Ички ишлар органи ходимининг ёки унинг яқин қариндошларининг мол-мулкига унинг хизмат мажбуриятларини бажариши билан боғлиқ ҳолда етказилган заарнинг ўрни Ўзбекистон Республикаси Давлат бюджети маблағлари ҳисобидан тўлиқ ҳажмда қопланади, ушбу сумма кейинчалик айбордor шахслардан ундириб олинади.

Хизмат сафарига юборилган ички ишлар органлари ходимларига транспортнинг барча турларига йўл ҳужжатларини сафар гувоҳномасини кўрсатиб навбатсиз олиш ҳукуқи берилади.

Ички ишлар органлари ходимлари томонидан хизмат вазифаларини бажариш билан боғлиқ қўйидаги ҳолларда ташкилотларнинг ёки фуқароларнинг транспорт воситаларидан мажбурий тартибда фойдаланиши мумкин:

- табиий офат ёки фавқулодда ҳолат юз берган жойга боришда;
- шошилинч тиббий ёрдамга муҳтоҷ фуқароларни тиббий муассасаларга олиб боришда;

- жиноят содир этган шахсларни таъқиб қилиш ва ички ишлар органларига олиб келишда;
- ҳодиса жойига ёки ички ишлар органларининг шахсий таркибини жанговар тревога бўйича тўплаш жойига боришда.

Ушбу ҳолатларда транспорт воситалари ҳайдовчилари ички ишлар органи ходимининг транспорт воситаларидан мажбурий тарзда фойдаланиш талабига бўйсуниши шарт ва ходимдан ходимни идентификацияловчи хужжатни талаб қилиш хуқуқига эга.

Ички ишлар органлари томонидан транспорт воситаларидан фойдаланилганда, транспорт воситасининг эгасига ходим транспорт воситасидан фойдаланилганлик фактини тасдиқловчи идентификацияловчи хужжат берилиши шарт.

Ички ишлар органи томонидан транспорт воситасидан фойдаланилгандан кейин қилинган харажатлар ёки етказилган зарарнинг ўрнини қоплаш тартиби Вазирлар Маҳкамасининг 2017 йил 24 апрелдаги 235-сон Қарори билан тасдиқланган низом талаблари асосида амалга оширилади.

**МУҲОКАМА ҚИСМИ.** Демак, ички ишлар органлари ходимларининг ижтимоий-хуқуқий ҳимоясини ташкил этиш бўйича фаолият уларнинг ҳёти ва соғлигини ҳимоя қилиш даражасини оширишга қаратилган бўлиши лозим. Шунингдек, ички ишлар органлари ходимларининг ўз хизмат вазифаларини бажариш чоғида хуқуқларини амалга оширишга қаратилган чора-тадбирларни ишлаб чиқиши орқали ходимлар ва уларнинг оила аъзоларининг шаъни ва қадр-қимматини ҳимоя қилишга қаратилади. Ходимнинг ўлими, хизмат вазифаларини бажариш чоғида шикастланиши ва жароҳатланиши, шунингдек ички ишлар органлари ходимларининг меҳнат, дам олиш ва уй-жой шароитларини таъминлашларини ўз ичига олади.

Таҳлилларга кўра, Ўзбекистон Республикаси амалий қонунчилигида ички ишлар органлари ходимларини давлат томонидан ҳимоя қилиш концепциясини шакллантирадиган қонун устуворлиги мавжуд эмас. Ушбу тоифадаги давлат муҳофазасининг мазмуни ошкор этилмаган. Бундан ташқари, норматив хужжатларда давлатнинг ички ишлар органлари ходимларини ҳимоя қилиш мажбурияти алоҳида шакллантирилмаган.

**ХУЛОСА.** Хулоса ўрнида айтиш мумкинки, ички ишлар органлари ходимларини ижтимоий ҳимоя қилиш масалалари бўйича амалдаги қонун хужжатларини муайян қоидаларни кўрсатган ҳолда якунлаш зарур. Шу билан бирга, бугунги кунда ички ишлар органлари тизимида амалга оширилаётган ислоҳотлар соҳанинг самарали фаолият кўрсатиши учун хизмат қилиб келмоқда.

**АБАДИЁТЛАР:**

1. Окюлов Н.О. Отдельные аспекты рассмотрения задач организации работы с кадрами в органах внутренних дел Республики Узбекистан в условиях реформирования // Право и государство: теория и практика. – 2019. – С. 116-119.;
2. Косенко О.И. Основы социального государства // Учебное пособие. Под ред. Т.Л.Фроловой. –М., 2011. С.83;
3. Ўзбекистон Республикаси қонун ҳужжатлари тўплами, 2016 й., 38-сон, 438-модда;
4. Қонун ҳужжатлари маълумотлари миллий базаси, 12.10.2019 й., 09/19/865/3908-сон; Қонунчилик маълумотлари миллий базаси, 11.02.2022 й., 07/22/126/0125-сон;
5. Ўзбекистон Республикаси қонун ҳужжатлари тўплами, 2017 й., 17-сон, 292-модда;
8. Позднышов А.Н., Арзуманян А.А. Некоторые аспекты исследования и совершенствования правовых и организационных основ социального обеспечения и социальной защиты сотрудников полиции // Наука и образование: хозяйство и экономика; предпринимательство; право и управление. – 2018. – Т. 3. – №. 94. – С. 52-55.